

時事要聞

◎監國對於外債之意見

監國日前召見軍機時曾特交手諭一道聞其內容係謂現在財政困難已達極點於將來保和會議案關係重要其困難之原因多在外債之擔負唯中國外債之擔負較之日本所負總額及每年當納利息尙極輕減彼兩國尙覺優裕而中國則已拮据不堪應卽由政務處與各督撫詳細討論其原因及應如何變通之辦法以維財政前途云

●擬開御前會議

要本監國甚不願以一人意見解決致爲輿
論私議俟資政院開會後召集各大老在文
華殿開御前會議以從多數之主張而定駁
斥與允推云

●欽定議案核定

議員之期已到所有各省各衙門應行送交該院議案均已先後核定唯欽交議案尙無端倪茲聞監國於近日來召見後必在三所另起召見各軍機係即密商此事聞目下已經核定擬於二十日由樞垣敬謹封交該院排列各議案之前以便提前核議探其內容以軍政財政法律三項問題爲大綱國會縮短問題未列其內云

●請辦國債以償賠款

部奏請試辦國債清償賠款攝政王深爲嘉納唯以爲數甚巨須飭由內外大臣妥議後再行核奪

○擬請御駕參觀成績 濤朗兩貝勒會商擬擇地集新練陸軍二十鎮會操請大元帥御駕參觀以驗成績俟與各軍機議妥卽入

奏

●奉諭速裁吏部 樞臣奉監國面諭速裁吏部不得再延擬會同政務處商議裁併法俟妥訂後即實行

●幣面恭印御容之議取銷 幫辦幣制大臣盛杏蓀侍郎前曾有議在新幣正面恭印御容以昭信於民現澤公及各大老核議以錢幣爲授受物品以御容印上恐涉不敬因即取銷前議云

●特請派員陪觀 日本定於本年陽歷十一月月中旬舉行陸軍特別大演習特請中國臨時派武員前往陪觀聞已由軍諮處陸軍部議妥派第四鎮第八協統領王遇甲禁衛軍第三標統帶札拉芬第二標第三營管帶崇林等三員前往參觀已將銜名照會外務部預先通知政府矣

●議設大理分院之辦法 法部大理院連日會議設立大理分院於各省辦法開所擬預定者爲該院之官制及權限兩項問題至成立之期則須俟各省高等審判廳辦齊之後再由各省督撫咨明本部院奏設以重司法機關

●軍諮處決設參謀學堂 軍諮大臣濟明兩貝勒前因軍諮實事繁需員佐理本擬組織參謀學堂一處適濤貝勒出洋考察軍政以故擱起現在回國日前在軍事會議處決定仿照日本參謀學堂辦法由處飭馮正使國璋組織規則造就軍諮人才爲設立軍諮專府之預備聞年內即可奏請開辦云

●外部限制軍火之交涉 外部鄒尚書議交承參應謂限制外人攜帶軍火曾於光緒三十四年由部與各駐京公使議訂章程凡外人來華攜帶槍枝軍火防身游獵者每人祇准帶槍二枝子彈不得過三十粒以示限制已經通飭各稅關查照在案惟現查各外

人仍皆不遵照章程逾額攜帶殘屬不合應即再行通致各稅關及各省督撫實行嚴查如有逾額攜帶者卽照章扣留

●飭查各省海口砲臺情形 陸軍部蔭尙書近以各路砲臺工程早經通咨各省計畫修建改辦惟所修各處砲臺宜分陸地沿海兩項陸地邊界各工程應照部定新式添備新式機關各砲改良建辦並將各處建辦工程事宜詳繪全圖報部查核其沿海各處砲臺除已設大沽煙臺吳淞閘南粵各要口外其餘各處海口應行添建何項砲臺現值整頓海軍之際籌辦宜加詳慎尤須派員將各海口形勢險要詳查測繪先行列報由部彙核酌定分別計畫辦理以重海防日前特會商軍諮海軍兩處通電各省督撫飭令查照辦理

●政府擬明定訟費辦法 政府爲恤民起見擬飭令各省大吏嚴飭各州縣於未設審判之前所有民事刑事訴訟案件到州縣署後禁止胥役需索由該州縣明定訟費張貼大堂俟案結後訟費由原被告中理屈者呈繳再由州縣官分給胥役書吏倘有胥吏私行需索輕者監禁重者卽行稟請督撫就地正法以示儆誡

●中國現存兵輪數目 海軍處電飭各省督撫查取現存兵輪數目茲聞日來已陸續報到兵輪共計二百十四隻鐵甲巡洋戰艦共十七隻年久失修不堪駛用者爲數甚多云

●孫寶琦運動內用 魯撫孫寶琦迭經言官指參又爲輿論所不容亟謀內用署郵傳沈雲沛因唐紹怡現已啓程不久到京擬設法目圖退步据聞政府中已有二人設法對調以郵傳部侍郎一席位置孫寶琦即以沈雲沛出撫山東聞此消息甚確不久當

可發表

●要求察院爲萊陽伸冤 山東官紳因孫撫查覆萊陽亂事洗刷敷衍強平欺蔽致數萬慘死之小民含冤不自以致大動公憤前已派委員前往密查一切已將始末緣由印刷成書分送旅京各官紳連日在山左會館會議對待辦法業於十二日聯合京內著名商號三千餘家並各京官等公舉代表於上午十點鐘時齊集都察院署前至午後一鐘張總憲始行到署該紳商等代表當將調查萊陽海陽兵劫實在情形公呈張總憲懇求代奏其公呈內容略謂魯撫孫寶琦前奏覆萊陽民變並查辦情形將曲詩文兄弟認爲禍首匪黨聲明俟報獲後立地正法但據調查員于召南來京報告曲詩文毫無劣績實由該縣知縣並劣紳朋比爲奸致激民怨釀成禍亂是當歸咎於貪官劣紳不得專罪曲詩文也孫寶琦所奏與官紳所見全出兩歧況當時官兵砲擊之一村莊大村四處小村極多民間財產付之一空萊陽縣民死傷者數約四萬餘人之多老幼男女嗷嗷如鴻鰥萍蔽野其生存者流離失所桑梓父老日在深水火熱中翹首望救懇懇代奏請旨另派公正大員再往澈底查辦務期水落石出以伸冤抑而懲殘暴云云張總憲接呈後以呈詞內有請罷黜孫撫字樣深不爲然謂前此孫撫自請開缺已蒙溫諭慰留此舉實近違抗朝廷用舍自有權衡又非臣下所得擬議本院未便代奏該代表或立或跪充塞署前環求不已一種義憤迫切之狀情見辭張不獲已始勉強收進并諭各紳商先退當俟與陳憲商之再行上達窺其意似仍不肯代奏惟聞該紳商等對於此事甚爲堅決連日開會集議時接到該省紳士來電有百數十起之多均請公參係撫請都察院代奏故此本都察院如果不肯代奏或代奏而政府置之不問彼等誓以死爭以慰桑梓云

愛理士
紅衣補丸
廣告

此補丸能補血行氣壯筋開胃補腎提神專治男婦老少一切面黃肌瘦陽痿陰虧五勞七傷精神困倦夢寐不寧體虛盜汗心思過度夜夢遺洩驚悸頭痛腦弱善忘心神怔忡氣喘心跳頭暈耳鳴積滯胃弱肝胃氣痛膽汁泛溢虛弱多驚氣虛便結積濕困倦諸虛百損腎經各病房勞腎虧心腎不交肝經各病血氣偏枯腿骨酸痛風濕癱瘓脚氣衝心四肢酸軟筋骨虛弱手足寒冷腰脇脊痛山嵐瘴氣瘰癧陰疽瘡疥膿潰久愈失調初愈欠補少年凋萎先天不足後天失調及婦女各症月經不調赤白帶下治經腹痛子宮寒冷產後失調以及小孩先後天不足疳積瘦弱等病功難盡述每瓶一元二角每六瓶六元本處及外埠各大藥房均有發售



福州南臺涵泰木號章君春泉病後服愛理士紅衣補丸陸覺精神煥發步履康強特惠來證書玉照

佩荃 仁兄鄉大人臺鑒啓者 鄙人在閩經商二十餘年體質素強偶有
病恙愈後如常今夏忽患大病諸醫束手
幾乎性命之憂幸賴姚君松甫司馬延請李君筱山醫治得以轉危爲安病雖愈而元氣
已傷致行動乏力起居艱難兼念餘餘操勞過度幾成弱質矣嗣聞愛理士紅衣補丸靈
效非常即購半打服之陡覺胃口大開步履強健精神如舊不勝狂喜足見此丸之功效
名不虛傳心感之餘莫名欽佩謹陳數語並附小影以爲證佐此頌台安

總批發所 上海四川路一百十四號震寰藥廠
 福建經理處 在南台中洲中英大藥房
 ▲城內 宏昌公司 廣利祥 屈臣氏 ▲南台 安興參行 以及各藥房均有發售

諸君賜顧請認明全商標為記並內附五彩認真一券張方不致悞

血來自造化

福州南臺外洋裡總派報處施君琨藩之保證書

中英大藥房主人鑒敬啟者家慈年近古稀去冬咳嗽甚劇夜難安枕就醫投藥罔無影響後遇散友為品仙君談及人造自來血能治咳嗽之症弟即託報差向貴藥房購來自來血六瓶服之痰症極見輕減食量亦漸增加而夜間安然成寐功效之神誠無匹矣茲付上台伏六元請發小自來血半打交來差帶返手此順候大安

賞戴花翎
閩浙儘先即補都閩府署理
閩安營中軍府李都戎謹書

五洲大藥房台鑒鄙人於二十年前從戎台灣瘴癘之地因公務朝暮辛勞而成咯血之疾到省後蒙層憲壓委差缺兼管帶財政局官座機輪從公忙碌時服醫藥雖有見效而未除根以此缺憾令人焦灼前閱各報知貴藥房有新發明之人造自來血能治百病鄙人因思以血治血曾向福州貴經理處南台中英藥房購取二瓶試服已覺精神日振續服半打竟獲奇效迄將半載從前咯血之症已歸烏何有之鄉藥到病除斯言不謬自來血之有功于鄙人者實非淺鮮無以為報聊書數行以鳴謝悃幸祈附登報端為自來血佐証此請籌安愚小弟子李秀春頓

賞戴藍翎五品銜前署延平府
 湖口分防廳俞君玉林保證書
 佩荃仁兄大人台鑒逕啓者弟體質素弱自前年供職上府
 受山嵐濕瘴之氣大病之後又身生惡瘡幸自知醫緣綿數
 月病雖漸愈而形容憔悴精神困倦飲食少進四肢無力遍
 洲大藥房見效乃自血上一月回省偶到貴藥房晤談蒙持贈五
 洲大藥房見效乃自血上一月回省偶到貴藥房晤談蒙持贈五
 飲食增加面色轉紅亟再函購大瓶半打今只接服二瓶即覺
 更見精神爽快四肢舒暢之至復如前之憔悴疲倦無力之狀而
 人懇求購為病後調補此血之寶也且甘美適口無怪全球
 體弱者速服此靈藥而早離苦海耳
 福建省城文儒坊俞公館愚小弟俞琳頓
 七月初二日

總發行所 上海
四馬路老巡捕房對門
五洲大藥房
福建總批發處 在南台
中洲大藥房
英藥房
以及各埠大藥房均有經售
屈臣氏 安興參行

小瓶 一元二角
 大瓶 二元
 每打 十二元 託局函購
 二十元 原班同伴
 福建省 城內 屈臣氏 宏昌
 公司 華英藥房
 南台 仁壽堂 延齡醫局

前駐藏辦大臣溫 宗堯咨請川督代奏 維持西藏大局摺

為咨請代奏事竊溫宗堯一介庸愚仰蒙朝廷
恩遇畀以辦理西藏至重之任方受命
之初誠不自量其才不惟欲竭其力而補
萬一詎自抵藏受事以後內察藏人之趨嚮
外偵鄰邦之舉動雖事勢尚有可為而合以
藉辦大臣之權實覺踴躍無所措手不敢
辜恩瀆職遂輒請道四川籌商事遵即交
卸起程於五月二十二日行抵成都當經電
請軍機處代奏奉旨開缺駐藏辦大臣溫
宗堯著另候簡用毋庸來京陛見著趙爾巽
遵旨傳知欽此欽遵伏念宗堯上叨恩命駐
藏十四閱月祇以智力淺薄無毫髮可為
報稱之事惟於藏事向少講求奉命之日乃
急探購英國二十年來藏皮全書詳考該國
與西藏歷來交涉之事實及其應付之政策
審其用意委曲陰險多為世人所不及知復
察藏人將英之情形乃知中國今日治藏實
處極艱難極危險之地而亦未始無可希望
可恢復之機宗堯既有所見何敢默然不語
日之論藏事者皆曰英俄皆當防閑之也
曰英俄皆將干涉我也皆曰藏人之意已
不屬我而有專屬也皆曰事機已到危急
可挽救也宗堯證以英國藍皮書所載之事
實及西藏官民之向背竊謂自我言之則防
英俄皆外患皆當防閑而自英俄言之則防
英者俄防俄者英防兩者各不相容即各
自為防閑即各有忌憚中國但當利用英
俄之各自為防閑而速趁此各有所忌憚之
時急起直追整理西藏之內政恢復在藏之

主權與其分精力以防閑英俄不如併精力
以治理西藏此非宗堯之妄言也觀於藍皮
書所載一千九百零三年二月十一號二月
十八號及四月八號即光緒二十九年正月
十四號及三月十一號等日英外部大臣
三致駐俄英使之文內述與駐英俄使之辯
論俄使既申明英在西藏行事俄國即須設
法保護俄國之權利又申明西藏之局如一
旦大有更改則俄國或須設法以保全在亞
細亞之權利又申明俄國勿論如何總以不干
西藏之事為政策但或為勢所逼須在別處另
籌對待之方英外部既申明英無政治之
陰謀無霸佔西藏土地之意又申明英若在
西藏有所舉動則英之舉動不特不讓於俄
之舉動抑且過之俄若派兵進藏英必效之
所派之兵力必較俄為厚又申明英因見
中國政府一則用延宕之手段一則將於西
藏只有微弱之權力故起而直接自為籌
策以上云云皆秘密緊要之文件英俄將藏
之政策及其各相防閑各相要約證明之意
皆昭然若揭英俄既各有所忌而各安其
不敢妄動之意英則直宣布其不得已而妄
動之意乃由中國手段延宕權力微弱所致
由是觀之中國不惟不必防閑英俄即英俄
亦無防閑中國之意不惟不必防閑中國能
增加治理西藏之權力彼英俄者方且歡迎
贊助若恐不及此無他蓋至中國實在不
能保有西藏之一日彼西藏者又無獨立之
資格而必有所屬屬英則大有害於英之印
度而屬俄則大有害於俄之印度方
亞細亞方面屬俄則大有害於英之印度
而至於其時英俄必將出死力以競一得其
不得者必不自讓必於西藏之外別有所
費其至其終極不惟破壞英俄之交際且將
擾亂世界之和平若是者皆英俄所至不願
然則中國果能變延宕之手段為迅速變微
弱之勢力為強大既以自保西藏之領土且
以兼保英俄之和平論者所謂我當防閑英
俄者乃不必之事其謂英俄皆將干涉我者
則相反之事也至謂藏人之意已不屬我而
有專屬宗堯在藏逾年朝夕票栗注意此
事蓋藏人凡三分一曰僧俗官吏一曰喇
嘛一曰百姓官吏到各不自量咸有獨立自
雄之心至於不得逞則又俯首帖耳以聽向
者英兵之入藏即其官吏之幅強約所致
英兵一來其幅強者又恭順矣此年番官之
賴軍則羣屏息矣喇嘛則迷信佛教俄因
其迷信故為隆重佛教以誘之光緒二十七
年宣統元年達賴兩次派喇嘛赴俄俄皇
召見禮遇至渥凡此皆以牢籠喇嘛故就喇
嘛一種而論向俄之心較熱至於百姓則盡
然無所知識英之滅費退兵不派政治代表
純取陰柔和平手段所為年籠西藏百姓收
拾人心之方法蓋已極加盡致西藏百姓
又不能不受其牢籠而忘英兵入藏之當怨
由靖西至帕克克里春一帶之民以英兵駐
紮之久相遇之厚無不怨而感三級人之
性情向背皆若此再考西藏之政體則純全
極端之專制官吏之命令雖至暴虐無敢違
者喇嘛百姓無不仰官吏之鼻息而聽其號
令喇嘛向俄百姓向英中國但能增長權力
制其官吏則向俄向英皆歸無效但使事實
屬我即不必更究其意之誰屬也夫論者
謂事機危急無可挽救者乃以英俄之當
防閑而避其干涉且不知藏人之意何屬故
覺無往而不非藉藉也今則英俄內容之政策
如既不必防閑且致不致干涉不惟有法挽
救其法且非甚難難其事機則真危急耳
蓋英政府雖宣布無佔據西藏土地之意然
又不惜委曲卑屈者其心何嘗須臾而忘西
藏特不欲操之過急以傷藏人之心且不欲
影露形迹以招俄人之忌我若仍前因循再

督辦鹽政大臣會奏籌擬整 頓山西北路鹽務辦法摺

奏為籌擬整頓山西北路鹽務辦法摺
摺仰祈聖鑒事竊查山西省南路平陽蒲州
澤州安府四府屬解州三州及隰州所屬之
蒲縣共四十四州縣向為路網引地北路太
源汾州晉武三府平定保德忻代遼沁六州
並隰州及所屬之大寧永和兩縣共四十四
州縣向係配食土鹽仍歸路網引完納鹽稅大
同朔平兩府及口外各屬向准購食蒙鹽嘉
慶年間阿拉善王瑪哈巴拉呈獻吉蘭泰
鹽湖由官招商辦運始以口外各屬大同朔
平兩府及向食土鹽之四十四州縣劃為吉
蘭泰鹽引地內陽曲等三十四州縣食土鹽
仍留引稅其苛嵐等十四州縣撥歸吉引共
設吉引八萬七千五百道納課行鹽特設鹽
官以司之嗣因吉鹽運課課又慮侵佔占路
銷乃將鹽湖賞還蒙旗禁止水運而以吉引
額課攤入河東活引於是鹽官裁而吉岸遂
廢今吉岸六十四州縣已增為七十一廳
州縣其中維陽曲等三十四州縣配食土鹽尚
領額引四萬三千餘道而應納鹽稅一萬七
千餘兩亦已攤歸地丁征收此外各廳州縣
均行無引之鹽止抽鹽厘並無引稅此山西
北路鹽務沿革之大略也當吉蘭泰鹽課課
行引之初原准蒙土兼食其時有鄂爾多
斯蘇尼特兩旗無引蒙鹽入境侵銷以關
繫蒙旗生計未能禁絕及吉岸既廢法禁大
弛蒙鹽土鹽購食悉從民便於是蒙鹽則有
吉蘭泰紅鹽鄂爾多斯白鹽由晉省之西北
入境烏珠穆沁青鹽蘇尼特白鹽由晉省之
東北入境中以紅青二色最為大宗土鹽則
有紅黃黑白四色以太原太谷年逢徐溝代
州忻州定襄大同山陰應州朔州等處所產
為最多陽曲榆次祈縣交城文水五臺寧縣

繁峙汾陽孝義介休懷仁陽高天鎮霍遠等
處次之此外歸化托克托城一帶復有東素
海所產之土鹽太原汾州以西又有由陝
西渡河之花馬池鹽及小鹽平定以東又
有由直隸入境之鹽鹽以此五種之鹽紛然
錯出商無定人鹽無定價銷無定地維由民
販因利乘便展轉運售於七十一廳州縣之
間久已視同百貨不復以鹽法繩之近則太
原汾州各屬復有試銷之路鹽或設局分銷
或發販代售與各種鹽斤互見於市此又山
西北路鹽色紛雜之情形也夫以七十一廳
州縣幅員之廣為食鹽一大銷路而歷來辦
洋散漫至此何鹽法之可言臣職奉命督
辦鹽政有整飭鹽綱之責當與會辦鹽政
大臣山西撫臣丁寶銓往復函商力圖整頓
茲據該撫臣派委前署河東鹽法道張汝義
來京面陳辦法臣等公同酌核詳細推求竊
謂辦理鹽務一事區畫必因乎地勢措施宜
順乎人情山西北路食鹽蒙土兼銷由來已
久鹽色紛雜統一為難欲團整頓自應以劃
分引岸官運商銷為入手辦法擬請於山西
省城設立省北鹽務總局酌量岸情設立分
局收買入境蒙鹽發商銷售一面劃分引岸
暫時不定引額暫價招集土著殷商酌交押
岸銀兩准其認領運銷所有太原汾州以
北以西廣河以東武川五原以南陽州以
擬行吉蘭泰鹽以鄂爾多斯鹽附之豐鎮甯
遠興和陶林等廳及大同忻代等府州擬行
烏珠穆沁鹽以蘇尼特鹽附之平定遼州以
東民間慣食蘆鹽擬由官借運仍行蘆鹽具
素產土鹽之太原等二十餘州縣雖行官鹽
仍准兼食土鹽惟應限制銷數嚴禁透漏以
期逐漸收束毋得官銷路太原汾州兩屬
試銷路應准與蒙鹽公共行銷互相維繫
藉以抵制鄰土各私至東素海臺土鹽運
歸化托克托城一帶實為官運蒙鹽之梗自

應設法限制勿任充斥陝西花馬池鹽及小
鹽向章朱禁渡河亦應申明禁令嚴行堵
不准顆粒入晉以防浸灌謹將籌擬整頓大
概辦法另繕清單呈 御覽如蒙俞允擬
即派令前署河東鹽法道張汝義回晉省
會同藩司及河東鹽法道設局試辦一切招
商認領收買運銷詳細事宜統由臣督飭該
局妥慎辦理如果著有成效應請將在事人
員擇尤保獎以資鼓勵至該局所需收鹽成
本暫由臣處臣部奏墊銀十萬兩並由該局
隨時與山西藩庫河東庫籌商借撥機
周轉以資應用現在鹽商尚未招齊引岸尚
未成立本省及經過地方應收鹽厘稅捐暫
照舊章辦理一俟引岸成立實行官運商銷
應如何裁免厘捐規定課則及核算餘利截
數造報之處再由臣等奏明辦理所有籌擬
整頓山西北路鹽務辦法緣由理合恭摺具
陳伏乞皇上聖鑒訓示再此摺係督辦鹽政
處主稿會同度支部辦理合併陳明謹奏宣
統二年八月初七日奉旨依議欽此

本館新到新式機器大
小鉛字各色花邊一切
俱全惠顧 諸君如要
刊印書籍傳單請移
玉至本館商議可也
閩報館敬白

日本麥酒廣告
啟者日本製造麥酒近來益見進步捷勝太
陽金星二種專擅馳名廣行世界現蒙中外
士商同聲贊譽品質善美良味尤醇美比較
泰西各國麥酒毫無遜色 諸君如有需用
不妨就購而試焉
福州海關
三井洋行謹白

輪船寄往定期
撫順丸 九月初九日晚開往
長春丸 九月十五日晚開往
宣統二年九月 日 上 海

大坂商船公司謹啟